

盧蘇王受歸降罷兵稍稍弛備至是守仁駐南
寧故爲散遣諸兵狀湖廣兵皆偃旗臥鼓馳至
與官軍突進四面夾攻之賊敗退保仙女山據
險結寨官軍攀木緣崖仰攻之連破油磗石壁
大陂諸巢賊遽奔斷藤諸軍追擊之賊奔渡橫
石江覆溺死者六百人諸軍自後急擊俘獲甚
衆賊潰散遍搜山峒無遺者還兵至潯州守仁
密檄諸將移兵勦仙臺諸賊仍分布各哨永順
兵由磐石大黃石登岸勦仙臺花相保靖兵由
烏江口丹竹埡登岸勦白竹古陶羅鳳賊聞牛
腸諸寨破大懼方據險設伏而諸軍驟進奮勇